

CURSO DE MONITOR DE ACTIVIDADES DE TEMPO LIBRE

O DESENVOLVEMENTO DO CURSO

O curso de **Monitor de Actividades de Tempo Libre** que inicia a Escola de Tempo Libre Néboa se desenvolve dacordo co Decreto 50/2000, do 20 de xaneiro (DOGA 10/03/2000), que refunde e actualiza a normativa vixente en materia de xuventude, regula as Escolas de Tempo Libre, así coma os programas de formación que se van impartir nas mesmas. É este decreto, modificado posteriormente nalgúns puntos con outros regulamentos, o que estipula os requisitos para a matrícula (maior de 18 anos, título de graduado escolar ou equivalente), a duración do curso e a súa estruturación en dúas fases (teórica e práctica), as materias a impartir, ...

FASES DO CURSO

Este curso consta de **dúas fases**:

- a) Fase **teórico-práctica** cunha duración de 200 horas lectivas.

Esta fase se desenvolverá nas datas especificadas no calendario que se entregará no inicio do curso, con inicio no mes de abril e finalización no mes de xuño, con clases as fins de semana (sábados todo o día e domingos pola mañá, e clases na semana santa) e no transcurso del se tratarán os seguintes módulos: psicoloxía e dinámica de grupos, socioloxía, contacontos, metodoloxía e programación, primeiros auxilios, técnicas de campismo e excursionismo, lexislación, seguridade en tempo libre, asociacionismo, recursos e axudas, animación, expresión plástica, expresión dramática, animación deportiva e educación ambiental.

A asistencia a todos estes módulos é obligatoria o cal quere dicir que non está permitido faltar a un módulo completo, aínda que sí é posible faltar ó curso sempre e cando non se superen as 30 horas de faltas (dentro das cales entrará todo posible imprevisto: enfermidade persoal, enfermidade grave dun familiar, traballo, ...); con todo deberá terse en conta que a asistencia ó curso e a actitude con respecto a esta é un dos puntos a ter en conta na avaliación por parte dos mestres.

Unha das materias, aire libre, se desenvolverá nun fin de semana en réxime interno na área recreativa de Vilarbó (As Pontes) posto que nel se van impartir coñecementos de orientación, montaxe de tendas, ...

Para a materia de animación deportiva deberedes traer chándal e calzado cómodo porque ides correr e facer xogos.

O horario do curso é o establecido no inicio do mesmo, sábados pola mañás de 9:00 a 14:00 e tardes de 16:00 a 20:00, e domingos pola mañá de 9:00 a 14:00; haberá tamén clases na semana santa para avanzar o máis posible as clases e rematar o curso a finais de xuño, antes do verán; a escola se reserva o dereito a cambiar a orde das materias en función das necesidades da escola procurando respetar o máis posible o calendario establecido.

A fase teórica será avaliada nun 60 % polas observacións dos mestres que imparten o curso, en base a criterios tales como asistencia, puntualidade, integración, participación, ... e nun 40% por un exame teórico que terá lugar ó final desta fase.

Esta fase non se considera rematada en tanto non se entregue o proxecto que no transcurso da área de programación se ensinará a elaborar; tal entrega deberá facerse como moi tarde o día do exame, o último día de clase, o día 21 de xuño (de non respetar o prazo non se recollerá o proxecto).

*b) Fase **práctica**, que se realizará unha vez rematada e superada a fase anterior, nun prazo de dous anos a partir da entrega do apto teórico. Isto quere dicir que a fase práctica deberá estar rematada antes de xuño de 2.022..*

Tedes dúas opción para as prácticas:

- 1. A que vos aconsellamos a todos, consiste en facer 150 horas/14 días de actividade intensiva en campamentos, campos de traballo, campamentos urbanos, ... nunha das actividades de tempo libre xestionadas pola escola de tempo libre Néboa O traballo a desenvolver nun campamento será a de facerse cargo dunha das actividades do campamento (obradoiro de artesanía, animación, xogos populares, xockey, ...) normalmente acompañado dun monitor experto e colaborar en tódalas actividades que fan posible o funcionamento do campamento (cociña, limpeza, gardias, ...), tal e como calquera outro monitor xa veterán.*
- 2. A segunda opción sería a de facer prácticas no local da escola de tempo libre colaborando no deseño das actividades de tempo libre que se programan na entidade ao longo de todo o ano.*

En calquera dos casos, as prácticas non poden ser remuneradas e será imprescindible a comunicación do lugar das prácticas antes do inicio das mesmas, así como a entrega dunha memoria sobre o traballo realizado ó finalizar as prácticas (o contido e o proxecto se especificará na materia de planificación no transcurso do curso) antes de xuño de 2022- tede en conta que nesta data a escola ten que ter completados os trámites do título, por iso a entrega da memoria ten que ser como mínimo, un mes antes.



TITULACIÓN

*Logo de ter superadas satisfactoriamente ámbalas dúas fases obterase o título de **Monitor de Actividades de Tempo Libre**, expedido pola Consellería de Familia e Promoción do Emprego, Muller e Xuventude.*

Este título capacita para a realización de actividades socio-culturais e recreativas, tanto en tempo libre urbano como na natureza.

A TER EN CONTA

No transcurso da realización da fase teórica do curso queda terminantemente prohibido o emprego do teléfono móbil durante as clases teóricas; eso inclúe a realización de fotografías e vídeos e a difusión dos mesmos, posto que o curso de monitor de tempo libre é una actividade da escola de tempo libre Néboa e por tanto é ela a responsable da difusión de calquera material deste tipo. Puntualmente, se os mestres o consideraran de interese poderían quitar fotografías e vídeos, sempre e cando os alumnos teñan asinada a consabida autorización, para que sexan difundidas entre os propios alumnos pola escola Néboa.

No que se refire á fase práctica, se permite só a realización de fotografías (non de vídeos) naquelas actividades directamente relacionadas coas prácticas co fin de empregalas nunha memoria fotográfica da actividade que se lle entregará á escola Néboa, sempre e cando as persoas que saian na foto teñan asinada a correspondente autorización, e queda terminantemente prohibida a difusión de tales fotografías, así como a realización e difusión de vídeos.

A escola de tempo libre Néboa é unha entidade en ánimo de lucro que traballa con persoal voluntario, non é unha empresa, razón pola cal non ten unha oficina aberta as 24 horas do día na que poder atender aos alumnos a calquera hora; ademáis esta escola forma parte dunha asociación que realiza diversas actividades polo que os seus responsables non poden atender de xeito inmediato as peticións dos seus alumnos. Con todo, a escola procura ter un horario o máis estable posible de atención ao público (luns a venres de 17:30 a 21:00) que non inclúe sábados, domingos e festivos, e tampouco inclúe o período de verán dende xuño a agosto porque todo o persoal de Néboa está atendendo os seus campamentos. Con todo, tamén no verán somos accesibles a través do correo electrónico e o wats ap.



DATOS DE INTERESE

TELÉFONOS DE CONTACTO:

646 156 421: M^a José Ruán

(directora da escola)

**981 34 76 90 (só polas tardes): Asociación
Néboa**

669 111 183: Begoña Balsa

(directora da asociación)

CORREO ELECTRÓNICO:

escola@neboa.org

CONSELLERÍA DE TRABALLO E BENESTAR

D.X de Xuventude e Voluntariado

